

Uunga siunnersuut: Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-imeersup allangortinnissaa pillugu Inatsisartut inatsisaat nr. xx yy 2015

(Inatsisip atuuffigisaa sukisaarsaatigalugu aalisarnermit akuersissutitut sumiiffikkaanullu pilersaarutitut piginnaatitsissummik ilaqartilerlugu annertusissaaq)

Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaanni nr. 19, 3. december 2012-imeersumi makkuninnga allangguuteqartoqassaaq:

§ 1

1. Qulequtaa imatut oqaasertalerneqassaaq:

” **Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-imeersaq**”.

2. § 1, imm. 2 imatut oqaasertalerneqassaaq:

” § 1. Inatsisartut inatsisaat atuuppoq takornariartitsinermit sulianut akuersissutitut, pisinnaatitsissummik pigisaqartunut, ingerlatsisunut, takornariartitsinermit sulianut akuersissutitit ilaasutut sulianut, takornarianut tunisassianut, takornarianut aamma takornarianik suliaqartitsinermit.

Imm. 2. Inatsisartut inatsisaatigut malittarisassiuunneqarpoq akuersissutitit kuummut aalajangersimasumut tunngatillugu tunniussisarneq imaluunniit Kalaallit Nunaanni imartamut killilikkamut akuersissuteqartarneq, sukisaarsaatigalugu qissattaammik eqalunniartarnermit (Salvelinus alpinus) atatillugu.”

3. § 7 imatut oqaasertalerneqassaaq:

” § 7. Naalakkersuisut sumiiffimmut erseqqinnerusumik killilersukkamut, aamma erseqqinnerusumik atugasaqartitsilluni takornariartitsinermit neqeroorummik imaluunniit neqeroorutitut arlaqartunut ingerlatsinissamut akuersissuteqarsinnaapput, § 6, imm. 1 (takornariartitsinermit suliaqarnermit akuersissut) naapertorlugu. Takornariartitsinermit suliaqarnermit akuersissut kisermaassisussaaffittut nalunaarutigineqassaaq.

Imm. 2. Naalakkersuisut akuersissuteqartarnermit malittarisassanik ersarinnerusunik imm. 1 naapertorlugu aalajangersaasinnaapput.”

4. § 8 imatut oqaasertalerneqassaaq:

” § 8. Takornariartitsisarnissamut akuersissut §7 naapertorlugu tunniunneqartoq immikkoortuni 2-miit 4-mut pineqartut naapertorlugit nalunaarutigineqassaaq.

Imm. 2. Akuersissut tunniunneqarsinnaavoq nalinginnaasumik tamanut nalunaaruteqarnikut qinnuteqarnissamut periarfissasaqartitsereernikkut (neqeroortitsineq). Naalackersuisut qinnuteqartoqarsinnaaneranut nalunaarummik tamanut takusassiissapput Naalackersuisut nittartagaatigut tusagassiuutitsigullu minnerpaamik qinnuteqarnissamut killiliussaq ullunik 45-nik sioqqullugu. Neqeroortitsisinaanermut tunngaviussaaq nunaminertanik atuisinnaaneranut pilersaarusiortarnermi oqartussaasut nunaminertap pineqartup takornariartitsineranut atorneqarsinnaaneramik pilersaarusiorsimanerat, kiisalu ingerlatat suut akuersissummut ilaatinneqassanersut aalajangersarneqarsimanerat.

Imm. 3. Naalackersuisut nunap immikkoortuanut pilersaarummi sumiiffiit takornariartitsineramik suliaqarnermut atorneqarsinnaasut aalajangersaavigisinnaavaat, kiisalu akuersissutip suliniutinik qanoq ittunik imaqarnissaa aalajangersaavigisinnaallugu.

Imm. 4. Sumiiffimmut akuersissuteqarnissamik qinnuteqaat nassiunneqarsimappat pilersaarusiornermut oqartussaasut pineqartut imaluunniit Naalackersuisut nunaminertanik atuisinnaaneranut pilersaarusiarni nunaminertap takornariartitsineranut atorneqarsinnaaneramik pilersaarusiornermut atorneqarsinnaaneramik pilersaarusiornermut oqartussanunngortinniarpagu Naalackersuisut immikkut tamanut tusarniaanikkut akuersissuteqartoqarsinnaaneranut qinnuteqartoqarsinnaaneramik nalunaaruteqarsinnaapput.”

Imm. 5. Naalackersuisut periaatsit immikkoortuni 2-miit 4-mut pineqartuni aalajangersakkat naapertorlugit qinnuteqaateqartunut akuersissuteqartoqannginnissaa qinersinnaavaat.

§ 2

Inatsisartut inatsisaat atortuulissaaq ulloq 1. juli 2015.

Imm. 2. Tamanna ilutigalugu Sukisaarsaatigalugu aalisartunik aalisartitsineranut akuersissuteqartarneq pillugu Inatsisartut inatsisaat nr. 20, 22. november 2011-meersoq atorunnaassaaq.

Namminersorlutik Oqartussat, ulloq XX. yy. 2015